

2016年攻读浙江财经大学硕士学位研究生入学考试试题

科目代码 903 科目名称: 古代汉语

答案请写答题纸上

一、解釋下列劃橫線的字詞。(每詞1分,共20分)

1. 愛共叔段,欲立之。亟請於武公,公弗許。
2. 孟子之滕,館於上宮。
3. 召公曰:“昔吾驟諫王,王不從,是以及此難。”
4. 不虞君之涉吾地也,何故?
5. 輔車相依,唇亡齒寒。
6. 鄭人使我掌其北門之管。
7. 邴夏御齊侯,逢丑父爲右。
8. 赦之,以勸事君者。
9. 今有一人,入人園圃,竊其桃李。
10. 若知其不義也,夫奚說書其不義以遺後世哉?
11. 女執懿筐,遵彼微行,爰求柔桑。
12. 八月斷壺,九月叔苴。
13. 坐法當斬,其輩十三人皆已斬。
14. 且負下未易居,下流多謗議。
15. 今雖欲自雕琢,曼辭以自飾,無益,於俗不信,適足取辱耳。
16. 怒而飛,其翼若垂天之雲。
17. 我決起而飛,搶榆枋,時則不至。

二、把下段文字翻譯成現代漢語。(共30分)

僕聞之:脩身者,智之符也;愛施者,仁之端也;取與者,義之表也;恥辱者,勇之決也;立名者,行之極也。士有此五者,然後可以託於世,而列於君子之林矣。故禍莫憚於欲利,悲莫痛於傷心,行莫醜於辱先,詬莫大於宮刑。刑餘之人,無所比數,非一世也,所從來遠矣。昔衛靈公與雍渠同載,孔子適陳;商鞅因景監見,趙良寒心;同子參乘,袁絲變色;自古而恥之。夫以中才之人,事有關於宦豎,莫不傷氣,而況於慷慨之士乎?如今朝廷雖乏人,奈何令刀鋸之餘,薦天下之豪俊哉!僕賴先人緒業,得待罪輦轂下,二十餘年矣。所以自惟,上之不能納忠效信,有奇策才力之譽,

自結明主；次之又不能拾遺補闕，招賢進能，顯巖穴之士；外之又不能備行伍，攻城野戰，有斬將搃旗之功；下之不能積日累勞，取尊官厚祿，以爲宗族交遊光寵。四者無一遂，苟合取容，無所短長之效，可見於此矣。嚮者僕常廁下大夫之列，陪外廷末議，不以此時引維綱，盡思慮，今以虧形爲掃除之隸，在闖茸之中，乃欲仰首伸眉，論列是非，不亦輕朝廷，羞當世之士邪？嗟乎！嗟乎！如僕尚何言哉！尚何言哉！

三、給下列短文加上合適的現代標點。（注意：標點可不抄全文，僅寫標點前、後一字，其餘可用省略號代替，如“氓之蚩蚩抱布貿絲”可答作“氓……蚩，抱……絲。”每小題 30 分，共 60 分）

1. 晉獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之以中府而藏之外府取之中府而置之外府也公曰宮之奇存焉必不使受之也荀息曰宮之奇之爲人也達心而懦又少長于君達心則其言略懦則不能強諫少長于君則君輕之且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之奇諫曰晉國之使者其辭卑而幣重必不便于虞虞公弗聽遂受其幣而借之道宮之奇諫曰語曰唇亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

——《穀梁傳·僖公二年》

2. 有爲神農之言者許行自楚之滕踵門而告文公曰遠方之人聞君行仁政願受一廛而爲氓文公與之處其徒數十人皆衣褐捆屨織席以爲食

陳良之徒陳相與其弟辛負耒而自宋之滕曰聞君行聖人之政是亦聖人也願爲聖人氓

陳相見許行而大悅盡棄其學而學焉陳相見孟子道許行之言曰滕君則誠賢君也雖然未聞道也賢者與民並耕而食饗殮而治今也滕有倉廩府庫則是厲民而以自養也惡得賢

孟子曰許子必種粟而後食乎曰然許子必織布而後衣乎曰否許子衣褐許子冠乎曰冠曰奚冠曰冠素曰自織之與曰否以粟易之曰許子奚爲不自織曰害於耕曰許子以釜甑爨以鐵耕乎曰然自爲之與曰否以粟易之以粟易械器者不爲厲陶冶陶冶亦以其械器易粟者豈爲厲農夫哉且許子何不爲陶冶舍皆取諸其宮中而用之何爲紛紛然與百工交易何許子之不憚煩

四、簡答題（共 10 分）

《說文》：“過，度也；從 辵， 咼聲。”結合以下例句，并用所學詞的本義與引申義理論，分析“過”的詞義系統（本義是什麼，哪些是本義，哪些是近引申義，哪些是遠引申義）。

- ①《左傳·隱公元年》：“大都不過參國之一。”
- ②《左傳·宣公二年》：“人誰無過？過而能改，善莫大焉。”
- ③《論語·公冶長》：“由也，好勇過我。”
- ④《論語·微子》：“楚狂接與歌而過孔子。”

五、指出下列詩的實際平仄。（說明：平仄可用“平”或“仄”標注，也可用“一”或“丨”表示。共 10 分）

登高

杜甫

風急天高猿嘯哀，渚清沙白鳥飛回。
無邊落木蕭蕭下，不盡長江滾滾來。
萬里悲愁常作客，百年多病獨登臺。
艱難苦恨繁霜鬢，潦倒新停濁酒杯。

六、 論述題（下面兩題請任選其一作答，共 20 分）

1. 請談談你對《說文解字》的瞭解與認識。
2. 請舉例說明古漢語在詞彙、語音、語法、文字方面的古今變化。